



Sa Ou Bezwen Konnen: Revizyon Andikap Ou

Si w ap resevwa benefis Sekirite Sosyal oswa Revni Sekirite Siplementè (SSI), n ap revize eta sante ou tanzantan pou asire ou toujou gen andikap la.

Anjeneral, si sante ou pa vin pi bon, oswa si andikap ou toujou anpeche w travay, w ap kontinye resevwa benefis yo.

Pwosesis revizyon an deziyen pou ba ou chak possiblite pou montre ou toujou andikape epi pou asire benefis ou yo pa sispann san rezon. Tout prèv konsènan eta sante ou ap evalye okonplè. Si w gen plis pase yon pwoblèm andikap, n ap konsidere efè tout andikap yo alafwa sou ladrès ou pou travay.

Men kèk kesyon yo poze souvan sou revizyon andikap Sekirite Sosyal. Si w gen lòt kesyon, kontakte biwo lokal Sekirite Sosyal ou.

Konbyen fwa y ap revize eta sante mwen?

Frekans (kantite) revizyon yo depann de kalite ak gravite eta sante ou epi si yo prevwa eta sante ou ap vin pi bon.

- Si yo prevwa eta sante ou ap vin pi bon, anjeneral premye revizyon an ap fèt ant sis (6) ak 18 mwa apre dat ou vin andikape a.
- Si gen amelyorasyon ki posib, men ki ka prevwa, dosye ou ap revize yon fwa chak twa (3) ane.
- Si pa gen amelyorasyon ki prevwa, dosye ou ap revize yon fwa chak setan.

Kouman y ap fè mwen konnen yon revizyon ki fèt?

Lè nou deside pou gen yon revizyon medikal okonplè, n ap voye yon lèt ba ou pou mande ou pou w vini nan biwo Sekirite Sosyal.

Kisa ki pase nan yon revizyon?

Nan revizyon an, n ap mande ou kouman eta sante ou afekte ou epi si li vin pi bon. N ap mande ou pou w pote non doktè ou, adrès ak nimewo telefòn li epi pou pote nimewo dosye pasyan ou genyen nan nenpòt lopital ak lòt sous medikal ki te trete ou depi apre lè nou te kontakte ou. Si w te travay depi w te aplike pou benefis andikap oswa depi dènye revizyon ou, n ap bezwen tou enfòmasyon sou dat ou te travay yo, peman ou te resevwa ak kalite travay ou te fè.

Ki moun ki pral pran desizyon andikap la?

N ap voye dosye ou nan Sèvis Detèminasyon Andikap nan eta kote w ap viv la. Biwo sa a ap pran desizyon pou Sekirite Sosyal. Yon egzaminatè andikap ki gen eksperyans ap mande doktè ou rapò medikal yo. Egzaminatè a ap mande rapò medikal yo tou nan lòt kote ou te ale pou swiv tretman. Egzaminatè a ak yon konsiltan medikal, k ap travay ansam kòm yon ekip ap revize avèk prekosyon tout enfòmasyon yo resevwa pou dosye ou epi y ap pran yon desizyon.

Kouman y ap pran desizyon an?

Nan pifò ka, desizyon an ap baze sou enfòmasyon doktè ou, lopital ou oswa lòt sous medikal. Men, si prèv medikal la pa konplè oswa ajou, yo ka mande ou pou gen yon egzamen espesyal gratis. Y ap fè w konnen dat, lè ak kote alekri.

Kisa k ap pase si mwen pa dakò avèk desizyon an?

Ou ka fè apèl kont desizyon an si w pa dakò avèk li. Sa vle di ou ka mande nou pou nou gade dosye ou ankò pou verifye si desizyon nou te pran an pa t kòrèk. Gen kat (4) nivo apèl epi, anjeneral, ou gen 60 jou pou fè apèl la ant yon nivo ak pwochen nivo a. Men kat (4) nivo yo:

- **Rekonsiderasyon**—Moun ki pa t patisipe nan desizyon orijinal la ap fè yon revizyon endependan sou dosye ou. Ou ka fè apèl devan yon ofisyè odyans andikap k ap pran desizyon sou apèl ou.
- **Odyans**—Si w pa dakò avèk desizyon rekonsiderasyon an, ou ka mande yon odyans devan yon jij lalwa administratif.
- **Konsèy Apèl**—Si w pa dakò avèk desizyon jij lalwa administratif la, ou ka mande pou Konsèy Apèl la revize desizyon an.
- **Tribinal Federal**—Si w pa dakò avèk desizyon Konsèy Apèl la oswa si Konsèy Apèl la deside pou li pa revize dosye ou, ou ka entante yon pwosè nan yon tribunal federal.

Nan ki sikonstans benefis yo ap sispann?

Anjeneral, benefis lajan kach yo ap sispann sèlman si prèv la montre eta sante ou vin pi bon epi ou ka

(lòt bò a)

Sa Ou Bezwen Konnen: Revizyon Andikap Ou

travay sou yon baz regilye. Toutotan eta sante ou pa vin pi bon epi ou pa an mezi pou travay, w ap toujou resevwa benefis lajan kach ou.

Kisa k ap pase si mwen eseye travay?

Sekirite Sosyal gen plizyè règleman espesyal ki ka ede si w ta vle travay.

Si w ap resevwa benefis andikap Sekirite Sosyal, ou ka gen salè san limit pandan yon peryòd-desè travay apeprè pandan nèf (9) mwa (pa nesesèman mwa apre mwa) epi w ap toujou resevwa tout benefis ou. Lòt règleman yo pèmèt benefis lajan kach ak Medicare kontinye pandan w ap eseye travay sou yon baz regilye.

Si w ap resevwa peman andikap SSI, ou ka kontinye resevwa peman pa mwa pandan w ap travay toutotan revni ak resous ou kontinye anba sèten limit. Si peman lajan kach ou sispann paske revni total ou depase limit SSI yo, ou ka toujou elijib pou Medicaid.

Nou gen lòt pwogram ki ka ede ou avèk depans nan travay la, fòmasyon ak reyabilitasyon. Mande biwo lokal Sekirite Sosyal ou plis enfòmasyon sou règleman espesyal pou moun andikape ki vle travay.

Kontakte Sekirite Sosyal

Pou plis enfòmasyon ak pou jwenn kopi publikasyon nou yo, vizite wèbsayt nou nan www.socialsecurity.gov oswa rele nan nimewo telefòn gratis **1-800-772-1213** (pou malantandan oswa pou moun ki tande di, rele nan nimewo TTY nou, **1-800-325-0778**). Nou ka réponn késyon espesifik epi ba ou enfòmasyon nan sèvis telefòn otomatik 24 èdtan pa jou.

Si w bezwen yon entèprtèt pou regle afè sekirite sosyal ou, n ap fè w jwenn youn gratis. Sèvis entèprtèt yo disponib ni pou lè w ap pale avèk nou nan telefòn ni pou lè w vini nan biwo Sekirite Sosyal. Rele nan nimewo telefòn gratis nou **1-800-772-1213**. Si w pale yon lang ki pa Angle, peze 1 epi rete sou liy lan pou jouk lè yon reprezantan reponn. N ap kontakte yon entèprtèt pou ede w. Si afè w la pa ka regle nèt nan telefòn, n ap pran yon randevou pou ou nan yon biwo lokal Sekirite Sosyal epi n ap aranje nou pou yon entèprtèt (lang) la nan moman vizit ou a.

Yon reprezantan Sekirite Sosyal ka di ou ki benefis ki ka peye épí li ka pran yon randevou, si sa nesesè, pou ranpli yon fòm reklamasyon. Nou trete tout apèl yo avèk konfidansyalite. Nou Vle asire tou ou réséerva sèvis egzat ak koutwa. Sepou rézon sa a nou genyen yon dezyèm reprezantan Sekirite Sosyal pou kontwole kèk apèl telefonik.

